

陶靖節集
坤

陶靖節集卷第一

明浙江參議何湛之校刊

辭

歸去來兮辭并序

余家貧耕植不足以自給幼穉盈室餅
無儲粟生生所資未見其術親故多勸
余爲長吏也長脫然有懷求之靡途會
有四方之事命衛建威諸侯以惠愛爲德
家叔以余貧苦遂見用于小邑于時風

波未靜心悼遠役彭澤去家百里公田
之利足以為酒故便求之及少日眷然
有歸歎之情何則質性自然非矯厲所
得飢凍雖切遠已交病嘗後人事皆口
腹自役於是悵然懷阮深媿平生之志
猶望一稔當歛裳宵逝詳序意其艱尋
宴就仕可知
程氏妹喪于武昌在廣云程氏
妹也夫姓也情在駿
奔自免去職仲秋至冬在官八十餘日
因事順心命篇曰歸去來兮乙巳歲十

一月也

歸去來芳田園將蕪胡不歸既自以心爲形役
奚惆悵而獨悲悟已往之不諫知來者之可追
寔迷迷其未遠覺今是而昨非舟遥遥以輕颺
風飄飄而吹衣問征夫以前路恨晨光之熹微
熹與熙同乃瞻衡宇載欣載奔僮僕歡迎稚子候門
三逕就荒松菊猶存携幼入室有酒盈樽引壺
觴以自酌眄庭柯以怡顏倚南牕以寄傲審容
膝之易安園日涉以成趣門雖設而常關策扶

老以流憩時矯首而遐觀雲無心而出岫鳥倦
飛而知還景翳翳以將入撫孤松而盤桓歸去
來兮請息交以絕遊世與我而相違復駕言兮
焉求悅親戚之情話樂琴書以消憂農人告余
以春及將有事於西疇或命巾車或掉孤舟既
窈窕以尋壑亦崎嶇而經丘木欣欣以向榮泉
涓涓而始流始音試羨萬物之得時感吾生之行
休已矣乎寓形宇內復幾時曷不委心任去留
嵇康琴賦委性胡爲乎遑遑兮欲何之富貴非

命兮任去留

胡爲乎遑遑兮欲何之富貴非

吾願帝鄉不可期懷良辰以孤往東征賦換良辰而將行
或植杖而耘將登東臯以舒嘯臨清流而賦詩
聊乘化以歸盡樂夫天命復奚疑

傳贊

五柳先生傳并贊

先生不知何許人也亦不詳其姓字一無宅邊其字

有五柳樹因以為號焉間請少言不慕榮利好讀書不求甚解每有會意便欣然忘食性嗜酒家貧不能常得親舊知其如此或置酒而招之

造飲輒盡期在必醉既醉而退曾不吝情去留
環堵蕭然不蔽風日短褐穿結簞瓢屢空晏如
也常著文章自娛頗示已志忘懷得失以此自
終贊曰

黔婁有言不戚戚於貧賤不汲汲於富貴味無一

味其言茲若人之儔乎酬觴賦詩以樂其志無

懷氏之民歎葛天氏之民歎

晉故西征大將軍長史孟府君傳并贊

君諱嘉字萬年江夏鄂人也曾祖父宗以孝行

稱仕吳司馬祖父揖元康中為廬陵太守宗葬
武昌新陽縣子孫家焉遂為縣人也君少失父
奉母二弟居娶大司馬長沙桓公陶侃第十女
閨門孝友人無能間鄉閭稱之冲默有遠量弱
冠儔類咸敬之同郡郭遜以清操知名時在君
右常歎君溫雅平曠自以為不及遜從弟立亦
有才志與君同時齊譽每推服焉由是名冠州
里聲流京邑大尉潁川庾亮以帝舅民望受分
陝之重袁煥典曹掾書召公與鎮武昌并領江

州辟君部廬陵從事下郡還部亮引見問風俗得失對曰嘉不知還傳當問後吏亮以麈尾掩口而笑諸從事既去喚身翼語之曰孟嘉故是盛德人也君既辟出外自除吏便步歸家母在堂兄弟共相歡樂怡怡如也旬有餘日更汲為勸學從事時亮崇脩學校高選儒官以君望實故應尚德之舉太傅河南褚裒簡穉有器識時為豫章太守出朝宗亮正旦大會州府人士寧多時彥君在坐次甚遠裒問亮江州有孟嘉其

人何在亮云在坐卿但自覓裴歷觀遂指君謂

亮曰將無是耶

晉書裴指嘉曰此君小異

亮欣然而笑喜裴

之得君奇君為裴之所得乃益器焉舉秀才又

為安西將軍庾翼府功曹再為江州別駕巴丘

令征西大將軍譙國桓溫叅軍君色和而正溫

甚重之九月九日溫遊龍山叅佐畢集一作集四

弟二甥咸在坐時佐吏並著戎服有風一本風下有至

吹君帽墮落溫目左右及賓客勿言以觀其

舉止君初不自覺良久如廁溫命取以還之廷

尉太原孫盛為諮議叅軍時在坐溫命紙筆令
嘲之文成示溫溫以著坐處君歸見嘲笑而請
筆作答了不容思文辭超卓四座歎之奉使京
師除尚書刪定郎不拜孝宗穆皇帝聞其名賜
見東堂君辭以脚疾不任拜起詔使人扶入君
嘗為刺史謝永別駕永會稽人喪亡君永赴義
路由永興高陽許詢有雋才辭榮不仕每縱心
獨往客居縣界嘗乘船近行適逢君過歎曰都
邑義士吾盡識之獨不識此人唯聞中州有孟

嘉者將非是乎然亦何由來此使聞君之從者
君謂其使曰本心相過今先赴義尋還就君及
歸遂止信宿雅相知得有若舊交還至轉從事
中郎俄遷長史在朝階然仗正順而已門無雜
賓嘗會神情獨得便超然命駕廷之龍山顧景
酣宴造夕乃歸溫從容謂君曰人不可無勢我
乃能駕御卿後以疾終於家年五十一始自總
髮至于知命行不苟合言無夸矜未嘗有喜愠
之容好酣飲適多不亂至於任懷得意融然遠

寄侑若無人

孫興公天台賦遠寄法言其寄情遐遠也

溫嘗問君

酒有何好而卿嗜之君笑而荅曰明公但不得

酒中趣爾又問聽妓絲不如竹竹不如肉荅曰

漸近自然

晉書漸近使之然

中散大夫桂陽羅含賦之

曰孟生善酣不怨其意光祿大夫南陽劉耽昔

與君同在溫府淵明從父大常獲嘗問耽君若

在當已作公否荅云此本是三司人為時所重

如此淵明先親君之第四女也凱風寒泉之思

寔鍾厥心謹按採行事撰為此傳懼或乖謬有

尉大雅君子之德所以戰戰兢兢若履深薄云
甫贊曰

孔子稱進德脩業以及時也君清蹈衡門則令
聞孔昭振纓公朝則德音允集道悠運促不終
遠業惜哉仁者必壽豈斯言之謬乎

天子孝傳贊

虞舜 夏禹 殷高宗 周文王

虞舜父頑母嚚事之於畎畝之間以孝蒸蒸是
以堯聞而授之富有天下貴為天子以為不順於

父母若窮而無歸惟順親可以得意有違朝夕
若嬰兒之思戀故稱舜五十而慕書曰愚擊鳴
球搏拊琴瑟以詠祖考來格言思其來而訓作
謂之愛敬盡於事親是以德教加於百姓刑于
四海孝經是天
子之孝也夏禹有天下以奉宗廟然躬自
菲薄以厚其孝孔子曰禹吾無間然矣菲飲食
而致孝乎鬼神惡衣服而致義乎黻冕禹之德
於是稱聞聖人之德無以加於孝敬孝敬之道
義莫大焉殷高宗諒陰三年不言百官總已而

聽於冢宰三年而後言

論語舊注陰
默也一作閤

天下咸歡

德教大行殷道以興詩曰一人有慶兆民賴之
其此之謂乎周文王之為世子也朝於王季曰
三鷄鳴至於寢門問於內豎內豎曰安文王乃
喜不安則色憂行不能正履日暮亦如之食上
必視寒溫之節食下必問所膳而後退文王孝
道光大其化自近至遠刑于寡妻以御于家邦
故得萬國之歡心以事其先王矣贊曰至哉后
德聖敬自天陶漁致養菲薄饗先親瘠色憂諒

陰寢言一人有慶千載賴旃

諸侯孝傳贊

周公旦 魯孝公 河間惠王

周公旦武王之弟成王幼少周公攝政制禮作樂郊祀后稷以配天宗祀文王於明堂以配上帝是以四海之內各以其職來祭詩曰於穆清廟肅雍顯相言諸侯樂其位而敬其事也仲尼曰孝莫大於嚴父嚴父莫大於配天則周公其人也貴而不驕位高彌謙自承文武之休烈孝

道通于神明光被四海武王封之於魯脩其禮
樂以奉宗廟焉魯孝公之為公子懿公周宣王
問孔子能道訓諸侯者立之樊穆仲稱其孝曰
肅恭明神而敬事耆老賦事行刑必問於遺訓
咨於故實不干所問不犯所咨王曰然則能訓
理其民矣乃命之於夷宮是為孝公孝公在位
十七年
夫宗廟致敬不忘親也有國不亦宜乎漢河間
惠王獻王之曾孫也西京藩臣多驕放之失其
名德者唯獻王而惠王繼之漢書稱其能脩獻

三之行母薨服喪盡禮

良喪太
后三年

哀帝下詔書褒

揚以為宗室儀表增封萬戶禮古之人皆然至

於末俗衰薄固已賢矣貴而率禮又難其見褒

賞不亦宜乎贊曰

貴驕誅途不期而會周公勞謙乃成光大二侯

承魯遵儉去泰河間率禮漢宗是顓

卿大夫孝傳贊

孔子 孟莊子 顓考叔

孔子魯人也入則事父兄出則事公卿喪事不

敢不勉故稱曰孝乎惟孝友于兄弟是亦為故
也君賜腥必熟而薦之雖蔬食而齊祭如在鄉
人讎朝服立於阼階孝之至也至德要道莫大
於孝是以曾參受而書之繆游夏之徒常咨稟
焉許止不嘗藥書以殺父宰我暫言滅喪責以
不仁言合訓典行合世範德義可尊作事可法
遺文不朽揚名千載孟莊子魯人也孔子稱其
孝其他可能也其不改父之政與父之臣是難
能也夫孝子之事親也事亡如事存故當不義

則爭之存所不爭則亡亦不敢改父之道猶謂
之孝况終身乎頴考叔鄭人也莊公以叔段之
故與母誓曰不及黃泉無相見也既而悔之考
叔為封人聞之有獻於公公賜之食而舍肉公
問之對曰小人有母未嘗君之羹請以遺之公
曰汝有母遺饗我獨無考叔曰何謂也公語之
故且告之悔考叔曰君掘地及泉墜而相見其
誰曰不然公從之遂為母子如初君子曰頴考
叔純孝也愛其母而施及莊公詩云孝子不匱

永錫爾類其是之謂乎贊曰

仁惟本悌聖亦基孝恂恂尼父固天攸造一作
二子承親式禮遵誥永錫爾類無改遺操

士孝傳贊

高柴 樂正子春 孔奮 黃香

高柴衛人也喪親泣血三年未嘗見齒所謂哭
不偯言不文也為武城宰而化行民有不服其
親者改之行喪如禮君子之德風也以身先之
而民不遺其親樂正子春魯人也下堂傷足既

遷數月不出猶有憂色曰吾聞之曾子父母全
而庄之已全而歸之可謂孝矣故君子一舉足
一出言不敢忘父母不敢毀傷孝之始也夫能
敬慎若斯而災患及者未之有也孔奮扶風人
也少以孝行著名州里供養至謹在官唯母極
甘羹妻息菜食歷位以清後漢書奮位至武都太守夫人情
莫不欲厚其親然亦有分焉奢則難繼能致儉
以全養者鮮矣黃香江夏人也九歲失母思慕
骨立事父竭力以致養冬無被襦而盡滋味暑

則扇床枕寒則以身溫席漢和帝嘉之特加異
賜歷位恭勤寵祿榮親後漢書至魏郡太守可謂夙興
夜寐無忝爾所生者也贊曰

顯允羣士行殊名鉤咸能夙夜以義榮親享彼
戎邑用化厥民忠以悟主其孝乃純

庶人孝傳贊

江革庶範 汝郁 殷陶

江革齊人也漢章帝時避賊負母而逃賊賢之
不害而告其生路竭力傭賃以致甘暖和顏悅

色以盡歡心欲親之安自挽車以行革以母老

自在轎中輓車不用牛馬鄉人歸之號曰江巨孝位至五官

中郎將天子嘉焉寵遇甚厚告歸詔書褒美誌

家禮其終身以顯異行後漢書革字次翁巨慶

範京兆人少孤十五入蜀迎父喪遇石船覆範

執一作棺而沒地名船人救之僅免於死遂以

喪歸及仕郡掾太守於危難送故盡節章帝時

為郡守百姓歌詠之後漢書範字叔夫孝者人

之本教之所由生也是以範之臨危也勇宰民

也惠能以義顯也汝郁陳郡人也五歲母病不

食郁亦不食

郁常抱持啼泣亦不食

母憐之強食郁能察

色知病輒復不食族人號曰異童

因字曰

年十

五著於鄉里父母終思慕致毀推財與兄弟隱

於草澤

漢書

君子以為難况童齒孝於自然可

謂天性也殷陶汝南人也年十二以孝稱遭父

憂率情合禮有長蛇帶其門舉家奔走陶以喪

柩在焉獨居廬不動親戚扶持曉喻莫能移之

帝號益盛由是顯名屢辭辟命夫智者不惑勇

者不懼陶孝於其親而智勇並彰予弱齡斯又難矣贊曰

事親盡歡其歎在色彼養以祿我養以力三歲在一作愛敬榮不假歸嗟甫象庶鑑茲朋式

扇上畫贊

荷篠丈人 長沮桀溺 於陵仲子

張長公 丙曼容 鄭次都

薛孟常 周陽珪

三五道邈溥風日盡九流參差互相推隕形逐

物遷心無常準是以達人有時而隱四體不勤

五穀不分超超丈人日夕在耘

荷蓀丈人

遼遼沮溺

耦耕自欣八鳥不駭雜然斯羣

長沮桀溺

至矣於陵

養氣浩然蔑彼結駟甘此灌園張生一仕曾以

事還顧我不能高謝人間岌岌丙公望岸輒歸

匪矯匪彘前路威矣鄭叟不合垂釣川湄交酌

林下清言究微孟常遊學天網時疎眷言拚友

振褐偕徂義武周子稱疾閒居寄心清尚悠然

自娛翳翳衡門洋洋泌流曰琴曰書顧眄有儔

飲河既足

莊子偃鼠飲河不過滿腹

有外皆休緬懷千載託

契孤遊

述記疏祭文

讀史述九章

余讀史記有所感而述之

夷齊

二子讓國相將海隅

將一天人革命絕景窮居

景即

影也

采薇高歌

藝文類聚作

慨想黃虞貞風凌

俗爰感懦夫

箕子

去鄉之感猶有遲遲矧伊代謝餽物皆非袞袞
箕子云胡能夷按童之歌悽矣其悲

管鮑

知人未易相知實難淡義初交利乖歲寒管生
稱心鮑叔必安奇情雙亮公名俱完

程杵

遺生良難士為知己望義如歸允伊二子程生
揮劍懼茲餘耻令德永聞百代見紀

七十二弟子

杓杓舞雩莫曰匪賢俱映日月共殮至言慟由
才難感為情牽回也早天賜獨長年

屈賈

進德脩業將以及時如彼稷契孰不頌之嗟乎
二賢逢世多疑懷沙一作候寫志感鵬馱辭

韓非

豐狐隱穴以文自殘君子失時白首抱閔巧行
居災伎辯召患衆矣韓生竟死說難

魯二儒

易代隨時

代藝文類聚作大蓋用易所謂隨時之義大矣哉者也春按作大為是

迷變則愚介介若人特為貞夫

介介藝文類聚作芬芬

德

不百年汙我詩書逝然不顧被褐幽居

張長公

遠哉長公蕭然何事世路多端皆為我異

遠哉文類聚作遠多端作皆同皆為我異作而我獨異

歛轡竭來獨養其志

獨

作寢跡窮年誰知斯意

桃花源記

晉太康中武陵人捕魚為業

漁人姓黃名道真

緣溪行

忘路之遠近忽逢桃花林夾岸數百步中無雜樹芳草鮮美落英繽紛漁人甚異之復前行欲窮其林林盡水源便得一山山有小口髣髴若有光便捨船從口入初極狹纔通人復行數十步豁然開朗土地平廣屋舍儼然有良田美地桑竹之屬阡陌交通雞犬相聞其中往來種作男女衣著悉如外人黃髮垂髫並怡然自樂見漁人乃大驚問所從來具答之便要還家設酒

殺鷄作食材中間有此人咸來問訊有云先世
避秦時亂率妻子邑人來此絕境不復出焉遂
與外人間隔問今是何世乃不知有漢無論魏
晉此人一一為具言所聞皆歎惋餘人各復延
至其家皆出酒食停數日辭去此中人語云不
足為外人道也既出得其船便扶向路處處誌
之及郡下詣太守說如此太守即遣人隨其往
尋向所誌遂迷不復得路南陽劉子驥高尚士
也劉驥之字子驥聞之欣然親往未果尋病終後

劉驥

驥之字子驥

晉書有傳

遂無問津者

嬴氏亂天紀賢者避其世黃綺之南山伊人亦
云逝往迹復湮來廷遂無廢相命肆農畊日
入從所憩葉竹垂餘蔭殺稷隨時藝一作藝春蠶
收長絲秋熟靡王稅荒路暖交通鷄犬旦鳴吠
俎豆猶古法衣裳無新製一作冠童孺繼行歌
白歡游詣草萊識節和木哀知風厲雖無紀曆
誌四時自成歲怡然有餘樂于何勞智慧寄蹤
隱五百一朝敬神界淳薄既異源旋復還幽蔽

借問游方士焉測塵囂外叶魚切願言躡輕風高
舉尋古契

與子儼等疏

告儼侯份佚佟天地賦命生必有死自古賢聖
誰能獨免子夏有言死生有命富貴在天四友
之人親受音旨發斯談者將非窮達不可忘求
壽夭永無外請故耶吾年過五十少而窮苦每
以家敬東西游走性剛才拙與物多忤自量為
已必貽俗患僂俛辭世使汝等幼而飢寒余嘗

感孺仲賢妻之言敗絮自擁何慙兒子此既一事矣但恨隣靡二仲室無萊婦抱茲苦心良獨內愧少學琴書偶愛閒靜開卷有得便欣然忘食見樹木交陰時鳥寢聲亦復歡然有言常言五六月中北窓下卧遇涼風暫至自謂是羲皇上人意淺識窄謂斯言可保日月遂往機巧好疎緇求在昔眇然如同病患以來漸就衰損親舊不遺每以藥石見救自恐大分將有限也扶分問汝輩稚小家貧每役柴水之勞何時可免念

之在心若何可言然汝等雖曰同生作曰不當思
四海皆兄弟之義鮑叔管仲分財無猜事注歸
生伍舉班荆道舊遂能以敗為成回喪立功他
人尚爾況同父之人哉潁川韓元長漢末名士
身處卿佐八十而終兄弟同居至于沒齒濟北
記音雜春晉時探行人也七世同財家人無怨
色詩曰高山仰止景行行止雖不能至心尚
之汝其慎哉吾復何言

祭程氏妹文

維晉義熙三年五月甲辰程氏妹服制再周
淵明以少牢之奠饒而酹之嗚呼哀哉寒往暑來
日月寢跡梁塵委積庭草荒蕪寥寥空室哀哀
遺孤有觴虛奠人逝焉如誰無兄弟人亦同生
嗟我與爾特百常情晉謝玄傳痛百慈妣早
世時尚孺嬰我年二六爾纔九齡爰從靡識撫
髻相成咨爾令妹有德有操靖恭鮮言聞善則
樂笑叶切能正能和惟友惟孝行止中閨可象可
倣我聞為善慶自己蹈彼蒼何偏而不斯報昔

在江陵重罹天罰

晉安帝隆安五年秋七月先

卒

兄弟索居乖隔楚越伊我與爾百哀是切黯

黯高雲蕭蕭冬月白雲掩晨長風悲節感惟崩
號興言泣血尋念平昔觸事未遠書疏猶存遺
孤滿眼如何一往終天不返寂寂高堂何時復
踐藐藐孤女曷依曷恃罔罔遊魂誰主誰祀奈
何程妹於此永已死如有知招見高里墓地嗚呼
哀哉

祭從弟敬遠文

歲在辛亥月惟仲秋旬有九日從弟敬遠卜辰

云寔

爾雅下
掃曰寔

永寧右土

右規當
作吉

感平生之游處

悲一往之不返情惻惻以摧心淚愍愍而盈眼

乃以園果時醪祖其將行嗚呼哀哉茲鑠吾弟

有操有槩孝戡幼齡友自天愛少思寡欲靡親

靡介後已先人臨財思惠心遺得失情不依世

其色能溫其言則厲樂勝明高好是文藝遙遙

帝鄉爰感竒心絕粒安務考槃山陰淙淙懸溜

淙在宗切
水聲也

暖暖荒林晨採上藥夕聞素琴曰仁者

壽竊獨信之如何斯言徒能見欺年甫過立奄

與世辭長歸蒿里邈無還期惟我與爾匪但親

友父則同生母則從母之姊妹為從母相及

韶齒韶與義同毀齒也家語曰男並罹偏咎

靖節年三十七母孟氏卒是偏咎為失怙也斯情實深斯愛實厚念

疇昔日同房之歡冬無緼褐夏渴瓢簞相將以

道相開以顏豈不多之忽忘飢寒余嘗學士纏

綿人事流浪無成懼負素志歛策歸來甫知我

意常願携手寘彼衆意每憶有秋我將其刈與

汝偕行舫舟同濟三宿水濱樂飲川界

叶居靜

月澄高溫風始逝撫杯而言物以人脆柰何吾

弟先我離世事不可尋思亦何極日徂月流寒

暑代息死生異方存亡有域候晨永歸指塗載

陟咏遺稚未能正言哀哀嫠人

嫠寡婦也禮儀孔

閒庭樹如故齋宇廓然孰云敬遠何時復還余

惟人斯昧茲近情耆龜有吉制我祖行望旒

翩執筆涕盈袖其有知昭余中誠嗚呼哀哉

自祭文

歲維丁卯律中無射朏天寒夜長風氣蕭索

音瑟

陶子將辭逆旅之館永歸於本宅故人懷其相

悲同祖行於今夕

行去聲

蕭蕭以嘉蔬薦以清酌候

顏已冥聆音愈漠嗚呼哀哉茫茫大塊悠悠高

旻是生萬物余得為人自余為人逢運之貧草

瓢屢罄絺綌冬陳含歡谷汲

漢地里志土狹而險以居谷汲

行

歌負薪

漢書朱買臣獨行薪柴門事我宵晨

歌道中負薪墓間

春秋代謝有務中園載耘載耔迺迺繁欣以

素牘和以七絃冬曝其日夏濯其泉勤靡餘勞

心有常間樂天委分以至百年惟此百年夫人
愛之懼彼無成惴日惜時存為世珍沒亦見思
嗟我獨邁曾是異茲寵非已榮涅豈吾緇粹兀
窮廬酣飲賦詩識運知命疇能罔眷余今斯化
可以無恨壽涉百齡身慕肥遁從老得終奚所
復戀寒暑逾邁亡既異存外姒晨來良友宵奔
葬之中野以安其魂窅窅我行窅鳥了切蕭蕭
墓門奢侈宋臣儉笑王孫廊芳已滅慨焉已遐
叶胡不封不樹日月遂過禮廢人懸封匪貴前

哥切

不封不樹

匪貴前

譽孰重後歌人生寔難死如之何嗚呼哀哉

四八目

集聖賢群輔錄上

明由曉升級

宋均曰級等差級所先後也

必有受稅俗

受賦

徭役所宜施為也

成博受古諸

識等也

隕立

一作

受延

喜延長嬉興也

右燧人

四佐燧人

出天四佐出洛

出天天地所生

所生也

金提提

一作

主化俗

宋均曰為民除災害也

烏明主建

福

福利也

視默主災惡

為民除災惡也

紀通為中職

為主

也內職仲起為海陸主平地無陽侯為江海主江

一作江湖

右伏羲六佐六佐出世宓戲不及遂人所生也

風后受金法宋均曰金法言天老受天錄錄天命

也五聖受道級級也知命受糾糾正窺紀受

寢復有禍寢能地典受州絡絡維也力黑受準

準亦凡事也

右黃帝七輔州選舉翼佐帝德自燧人四佐

至七輔見論語摘輔象

重

木交金脩
正言正脩

熙

並水
正

右少昊四叔

叔謂其後子孫
非在常時也

實能金木及水

使重為句芒該為蓐收脩及熙為玄冥世不

失職遂濟窮棄見左傳蔡墨語

義仲

春

義叔

夏

和仲

秋

和叔

冬

右義和四子孔安國云即堯之四岳分掌四

岳諸侯鄭玄云堯既分陰陽為四時命四子

為之官又主方岳之事是為四岳見鄭尚書

注

鄭玄所
注尚書

伯夷為陽伯

樂舞侏雉歌曰招陽

義仲之後為義伯

樂舞

歌曰

棄為夏伯

樂舞武漫北歌曰祈惠一無武字

義叔之後為

義伯

樂舞將陽

咎繇為秋伯

樂舞蔡叔

和仲之

後為和伯

樂舞未詳歌曰

垂為冬伯

樂舞魯一曰齊落歌曰

緦

右八伯自義和死後分置八伯舜既即位元

祀巡狩每至其方各貢兩伯之樂大傳冬伯

後闕二人鄭玄云此上下有脫辭其說未聞

下有五祀後又百工相和而歌慶雲八伯稽

首而進見尚書大傳

謹堯帝鳩氏不才子天共工少昊氏不才子天
下之民謂之鯀下之民謂之三苗下之民謂之饕餮下之民謂之

右四凶

蒼舒 隤蓋經壽戴 大臨 龍降 庭堅

鼻陶仲容 叔達在穎左傳注此即

右高陽氏才子八人齊聖廣淵明允篤誠

下之民謂之八凱

伯奮 仲堪 叔獻 季仲 伯虎 仲熊

叔豹

季狸

杜云此即稷契虎熊羅之論

右高辛氏才

子八人

忠肅恭懿

宣慈惠和

天

下之民謂之

八元

從四凶至此

悉見左傳

季

文子辭

臣堯

八年季文子使大史克云

季

文子使大史克云

季

天

禹作司空

棄

作稷

契作司徒

咎繇

作士

益作朕虞

垂

共工

伯夷

作秩宗

龍

言

夔作典樂

右九官舜

帝位所遜命見尚書

漢劉向曰舜命九官

清
相讓

雄陶

一作

方回

續牙

伯陽

東不訾

或云識

秦不虛

或云

靈市

右舜七友並為歷山雷澤之以戰國崇顏歟

云堯有九佐舜有七友而尸子只載雄陶等

六人不載靈甫皇甫安作以述士傳云視其

友則雄陶方回續牙伯陽東不訾秦不空靈

甫之徒是為七子與戰國策七相應

禹

稷

契

皋陶

益

右舜五臣見論語已列九官中

禹 稷 契 皋陶 伯夷 垂 益 夔

右八師見楚辭七諫東方朔

伯夷 禹 稷

右三后伯夷降典制民惟刑禹平水土主名
山川稷降播種農殖嘉穀三后成功惟殷于
民漢太尉楊賜曰昔三后成功皋陶不與焉
蓋吝之也見尚書甫刑後漢書

微子 箕子 比干

右殷三仁論語曰微子去之箕子為之奴比干諫而死孔子曰殷有三仁焉

伯夷 太公

右二老尚書大傳曰伯夷避紂居北海之濱太公避紂居東海之濱皆率其黨曰盍歸乎吾聞西伯昌善養老此二人者蓋天下之大老也往而歸之是天下之父歸之也天下之父歸之其子曷往孔融曰西伯以二老開王業

闕天

太公望

左傳釋文作太顛

南宮适

散宜生

右文王四友尚書大傳云闕天南宮适散宜

生三子學于太公望望曰嗟呼西伯賢君也

四子遂見西伯於美里孔子曰文王有四臣

丘亦得四友此四人則文王四隣也

孔孟有

伯達

伯适

仲突

仲忽

叔夜

叔夏

季隨

季騶

右周八士見論語

國語文王誨於八虞注賈

達以為文王時鄭玄以為成王時也按劉向

為宣王時又周書注武王賢臣也

伯邑考 武王發 管叔鮮 周公旦 蔡叔

度 曹叔振鐸 霍叔武 邠叔處 康叔封

後封 聘季載一本無邠叔處有毛叔開

右太姒十子太史公曰太姒十子周以宗強

見史記

周公旦 召公奭 太公望 畢公 毛公

閔公 太顛 南宮适 散宜生 文母太姒

父謂子無臣母理孔子
所謂婦人蓋邑姜也

右周十亂見論語亂本作亂其四人已列四

友

秦公牙 吳班 孫充 大夫舟賁 公子麋

右五王並能相焉尸子曰古有五王之相迺

謂之王其貴之也

狐偃 趙衰 顓頊 魏武子隼司空季子晉

季

右晉文公從亡五人叔向曰文公生十七年

有士五人見左傳晉太尉劉琨詩曰重耳憑

五臣

奄息 仲行音咸威虎

右三良子車氏之子秦穆公沒要以從死詩

人悼之為賦黃鳥見左傳毛詩事在文公四年

子展賦草蟲子罕子西賦黍苗子駟子產賦隰

黍子國公孫段賦采芣子豐伯有賦鵲之賁賁

子良孫子耳子太叔賦野有蔓草子游孫印段賦蟋

蟀子張子

古鄭七穆謂之七子鄭穆公子十有一人
駟豐印將國良七人子孫並有才名世任鄭
國之政以免晉楚之難謂之七穆叔向曰鄭
七穆氏其后亡乎及諸侯為宋之盟鄭伯享
趙武于垂隴趙文子會七卿皆從文子曰七
卿從君以寵武也請皆賦以卒君貺亦以觀
七子之志見左傳襄公七年又吳質書云趙武過

鄭七子賦詩

仲孫穀文伯

獻子莊子孝伯叔孫得臣蒞叔

穆子

昭子成子
武子文子
季孫行父
文子
武子悼子平
桓子康子

右魯桓公之曾孫世乘魯故號曰三桓孔子

曰三桓之子孫微矣見論語左傳

趙無恤襄子
趙衰始為卿
至無恤七世
范吉射昭子
士會始為卿
至

吉射智瑤襄子
荀首始為卿
至瑤六世
荀寅文子
荀緄始為卿
至

至寅魏多襄子
魏絳始為卿
至多四世
韓不信簡子
韓厥始為卿
至

信四世

右六族世為晉卿並有功名此六人實弱晉

國淳于越云卒有田常六卿之臣劉向亦曰

田常復見於今六卿必起於漢見左傳

儀封人

荷蕢

衛人

晨門

魯人

楚狂

接輿

皇甫

高士

得陸

通鯀長沮

桀溺

荷蓀丈人

沮溺

荷蓀

並葉人

右作者七人論語曰賢者避世其次避地其

次避色其次避言孔子曰作者七人見包氏

注董威輦詩曰洋洋乎盈耳哉而作者七人

德行顏淵

回

閔子騫

損

冉伯牛

耕

仲弓

雍

言語

宰我子貢

端木賜

政事冉有

求

季路

仲文

學子

游

言

子夏

卜

右四科見論語

世所謂十哲者唐孔廟顏子配享外曾子為十哲又後曾

子配享外子張為十哲

顏回 子貢 子張 子路

右孔子四友文王有齊附奔奏先後禦侮謂之四隣孟懿子曰夫子亦有四隣乎子曰吾有四友焉自吾得回門人益親是非齊附乎自吾得賜遠方之士日至是非奔奏乎自吾得師前有先後有輝是非先後乎自吾得由惡言不至於門是非禦侮乎見孔叢子

顏回

冉伯牛

子路

宰我

子貢

公西

華

右六侍仲尼志意不立子路侍儀服不脩公
西華侍禮不習子貢侍辭不辯宰我侍亡忽
古今顏回侍節小物冉伯牛侍曰吾以六六
子自厲也見尸子

檀子

盼子

黔夫

種首

右齊威王疆場四臣齊威王與魏惠王會田
於郊魏王問威王曰王有寶乎威王曰無有

魏王曰若寡人之國雖小猶有徑寸之珠照
前後車各十二乘者十枚奈何為萬乘之國而
無寶乎威王曰寡人之所以為寶與王異吾
臣有檀子者使守南城則楚人不敢為寇東
取泗上十二諸侯皆來朝吾臣有盼子者使
守高唐則魏人不敢東漁於河吾臣有黔夫
者使守徐州則燕人祭北門趙人祭西門從以
從之者七十餘家吾臣有種首者使徭盜賊
則道不拾遺以此為寶將以照千乘豈有二

二乘武魏惠王慙不懌而去見史記及春秋

後語

齊孟嘗君田文 魏信陵君無忌 趙平原君
勝楚春申君黃歇

右戰國四豪見史記

太子少傅留文成侯 韓張良 相國鄭文終

侯沛蕭何 楚王淮陰侯韓信

右三傑漢高祖曰此三人人之傑也見漢書

園公陳留志東園名棄字宣明陳留綺里季

襄邑人常居園中故號園公

夏黃公

崔氏譜姓崔名廣字少通齊人陳居脩道號夏黃公

角里先生音

樞

右商山四皓當秦之末俱隱上洛商山

三輔舊事

四皓秦時博士辟於上洛熊耳山

皇甫士安云並河內軹人

或在見漢書及皇甫謐高士傳

太子太傅疏廣字仲翁太子少傅疏受字公子

廣兄子也

右二疏東海人宣帝時並為太子師傳每朝

太傅在前少傅在後朝廷以為榮受太子論

語孝經各以老疾告退時人謂之二疎見漢書

重合令子興

居宋里

櫟陽令子羽

居東觀里

東海太守

子仲

居宜唐里

兗州刺史子明

居西商里

潁陽令子良

居遂

里與

右郡決曹掾汝南周燕少卿之五子號曰五

龍各居一里子孫並以儒素退讓為業天下

著姓見周氏譜及汝南先賢傳

龔勝字君賓

龔舍字君倩

或曰長倩

右並楚人皆治清節世號二龔見漢書

唐林字子高唐尊字伯高

右並沛人亦以潔履著名於成哀之世號為
二唐此楚二龔後皆仕王莽見漢書左思曰
二唐潔已乃黠乃汚

平河侯王譚成都侯王商紅陽侯王章當作

曲陽侯王根高平侯王逢時

右並以元后弟同日受封京師號曰五侯成

三河平並奢豪富俊招賔下士各永樓護皆為

賓客時人為之語曰谷子雲之筆札禮君卿
之唇舌言出其門也見漢書護傳言其見信用也張載
詩曰富侈擬五侯

北海逢萌字子康

後漢書作子慶

北海徐房字平原

李曇字子雲

平原王遵字君公

右皆懷德穢行不仕亂世相與為友時人號
之四子見後漢書嵇康高士傳

求仲 羊仲

右二人不知何許人皆治車為業挫廉逃名將

元卿 諱之去兗州遷杜陵荆棘塞門舍中有
三遙不出惟二人從之游時人謂之二仲見
嵇康高士傳

四八目

集聖賢群輔錄下

太傅高密元侯南陽鄧禹字仲華 大司馬廣
平忠侯南陽吳漢字子顏 左將軍膠東剛侯
南陽賈復字君文 建威大將軍好時愍侯扶
風耿弇字伯昭執金吾雍奴威侯上谷寇恂字

子翼

征西大將軍陽夏節侯潁川馮異字公

孫

征南大將軍舞陽壯侯南陽岑彭字君然

征虜將軍潁陽成侯潁川祭遵字弟孫太常

靈壽侯信都邳彤字偉君東君太守東莞成

侯鉅鹿耿純字伯山上谷太守淮陰侯潁川

王霸字元伯左中郎將郎陵愍侯潁川臧宮

字君翁驃騎大將軍櫟陽侯馮翊景丹字孫

卿驃騎大將軍參議侯南陽杜茂字諸公

建義大將軍鬲侯南陽朱祐字仲先驃騎將

軍慎靖侯南陽劉咎字元伯 楊武將軍全椒
侯南陽馬成字君遷 大司空阜成侯漁陽王
梁字君嚴 衛尉安城忠侯潁川姚期字次況
左馮翊安平侯漁陽蓋延字巨卿 捕虜將軍
揚虛侯南陽馬武字子張 驍騎將軍昌城侯
鉅鹿劉植字伯先 左將軍阿陵侯南陽任光
字伯卿 豫章太守中水侯東萊李忠字仲都
左將軍槐里侯扶風馬援字君游 琅邪太守
祝阿侯南陽陳俊字子昭 積弩將軍昆陽威

侯穎川傳俊字子衛 揚化將軍合肥侯穎川
堅鐔字子級

右河北二十八將光武所與定天下見後漢
書張衡賦云受鉞四七共工以除

武威太守梁統字仲寧 金城太守庫鈞字巨
公張掖太守史苞字叔文 酒泉太守竺曾字
巨公 燉煌太守辛彤字大房

右河西五守是時更始已為赤眉所害隗囂
密有異志統等五人共推竇融為河西大將

軍內撫吏民外禦寇戎東伐隗囂歸心世祖

克建功業見後漢書及善文

大鴈臚韋孟達 上黨太守公孫伯達 河陽

長魏仲達

右扶風平陵人同時齊名世號三達孟達名

彪丞相賢五世孫明帝時人見漢書及決錄

後漢書有韋彪傳

光錄大夫周舉 後漢書有傳字 光錄大夫杜喬

傳字叔榮 光錄大夫周栩 尚書藥巴 傳字

人青州刺史馮羨 兖州刺史郭遵 太尉長

史劉斑

侍御史張剛

傳字文紀

右八使漢順帝時政在權宦官以賄成周舉
等議遣八使名繼素有循行風俗同日俱發

天下號曰八使見張璠漢紀

平輿令高順字叔文順弟武陽令豹字李明
豹弟廣都長義字扶節

右清河太守常文高之三子皆以學行知名
時人號常氏三君見京兆舊事

楊震字伯起以太常為司震子秉字叔節以太常為太尉秉子

賜字伯獻以光祿勳為公賜子彪字文先以太中大夫為公

右楊氏四公弘農華陰人自孝安至獻帝七

世父子以德業相繼為三公見續漢書

袁安字邵公以太僕為司徒安子敞字叔平以光祿勳為司

敞子湯字仲河以太僕為司徒湯子逢字周

陽以太僕為司徒逢房隗字次陽以太常為

右袁氏四世五公敞南故見續漢書

處士豫章徐稚字孺子 京兆韋著字休明

汝南袁閎字夏甫 彭城姜肱字伯淮 潁川

李曇字子雲此與前李曇字子雲
二人名字偶同

右太傅汝南陳公時為尚書令與諸尚書悉
名士也共薦此五人時號五處士見續漢書
及善文

周子居 黃叔度 爰伯堅 郅伯尚 封武
興 盛孔叔

右汝南六孝廉太守李張選此六人以應歲
舉受版未行張死子居等遂駐行喪張妻於

樞側下帷見之厲以宜行子居歎曰不有行
者莫宣公不有止者莫卹居於是與伯堅即

日辭行封黃四人留隨樞車見杜元凱女戒

大將軍槐里侯扶風平陵竇武字游平天下忠義府

平大傅高陽鄉侯汝南平輿陳蕃字仲舉天下義府

陳仲侍中河間樂成劉淑字仲承天下德和

右三君君者言一世之所宗也

少傅潁川襄城李膺字元禮天下模楷司空山

陽高平王暢字叔茂天下英秀太僕潁川陽城

杜密字周甫

天下良輔杜周甫

司隸校尉沛國朱寓字

季陵

天下水陵朱季陵

尚書會稽上虞魏即字少英

忠貞少英

魏沛國顏陰荀翌字伯條

天下好交荀伯條

大司

典農博陵安平劉祐字伯祖

天下伯祖

太常蜀郡

成都趙典字仲經

天下才英趙仲經後漢書謂典名見而已蓋未考字也

也

右八俊

俊者言人之英也

有道太原介休郭泰字林宗

天下和雍郭林宗

太常陳

留圉夏綬字子治

天下纂特夏子治

尚書令河南鞏尹

勲字伯元天下英華河南尹太山平陽羊陟字

嗣祖天下清苦議郎東郡陽平劉儒字叔林天下

收金劉冀州刺史陳國項蔡衍字孟喜天下雅志蔡孟

喜穎川太守渤海高城巴甫字恭祖天下恭祖

議郎南陽安象宗慈字孝初天下通儒

右八顧後漢書無列儒有范滂顧

御史中丞汝南召陵陳翔字子鱗海內貴珍衛

尉山陽高平張儉字元節海內忠烈太尉掾汝

南細陽范滂字孟博海內謗范孟博蒙令山

陽高平檀敷字文有

海內通士

洛陽令魯國孔

昱字世元

海內才珍孔世元

太山太守渤海童

合范康字仲真

海內振振

大尉掾南陽棘陽岑

胥字公孝

海內珍好

鎮南將軍荊州牧武城侯

山陽高平劉表字景升

海內所稱

右八及

後漢書無范滂有翟超及者言其能導人追宗者也

少府卿東萊曲城王商字伯義

海內賢智王伯義後漢書作王

章郎中魯國蕃鄉字嘉景

海內脩整蕃北海相嘉景蕃音皮

陳留平丘秦周字平王

海內真良

侍御史太山

元方紀弟司空掾諡字季方後漢陳寔傳寔有子六人紀諡景行
德與德齊

右並以高名號曰三君每宰府辟召常同焉
著靡不見甄表狀及邯鄲淳紀碑

太尉河南杜喬字叔榮 大常燉煌張奐字然

明 侍中河內向詡字甫興 太傅汝南陳蕃

字仲舉 太尉沛國施延字君子 少府潁川

李膺字元禮 司隸沛國朱寓字季陵 太僕

潁川杜密字周甫 大鴻臚潁川韓融字元長

司空潁川荀爽字慈明 司空清河房植字伯
武 聘士彭城姜肱字伯淮 太尉下邳陳球
字伯真 司空山陽王暢字叔茂 徵士陳留
申屠蟠字子龍 衛尉山陽張奐字元節 大
司農北海鄭玄字康成 徵士樂安丹瑆字孟
玉 太尉漢中李固字子堅 有道太原郭泰
字林宗 益州刺史南陽周穉字公叔 尚書
會稽魏郎字少英 聘士豫章徐稚字孺子
度遠將軍安定皇甫規字威明

元方紀弟司空掾諡字季方後漢陳寔傳寔有子六人寔諡曰元方

右並以高名號曰三君每宰府辟召常同請

者靡不見甄表狀及邯鄲淳紀碑

太尉河南杜喬字叔榮 大常燉煌張奐字然

明 侍中河內向詡字甫興 太傅汝南陳蕃

字仲舉 太尉沛國施延字君子 少府潁川

李膺字元禮 司隸沛國朱寓字季陵 太僕

潁川杜密字周甫 大鴻臚潁川韓融字元長

司空潁川荀爽字慈明 司空清河房植字伯
武 聘士彭城姜肱字伯淮 太尉下邳陳球
字伯真 司空山陽王暢字叔茂 徵士陳留
申屠蟠字子龍 衛尉山陽張奐字元節 大
司農北海鄭玄字康成 徵士樂安丹瑒字孟
玉 太尉漢中李固字子堅 有道太原郭泰
字林宗 益州刺史南陽周穆字公叔 尚書
會稽魏郎字少英 聘士豫章徐稚字孺子
度遠將軍安定皇甫規字威明

右魏文帝初為丞相魏王所旌表二十四賢

後明帝乃述撰其狀見文帝令及甄表狀

太常燾煌張與字然明 度遼將軍安定皇甫

規字威明 太尉武威段熲字紀明

右涼州三明並著威名於桓靈之世悉名士

也見續漢書

常權字孔衡 權弟璜字孔玉 璜弟矩字孔

規

右太尉掾常子才之三子皆脩仁義兄弟孝

友逢盜賊一人病不能去兄弟相募兵至俱死時人稱之號常二義見三輔決錄

荀儉字伯慈 儉弟緄字仲慈 緄弟靖字叔

慈 靖弟壽字慈元 壽弟汪字孟慈 汪弟

爽字慈明 爽弟肅字敬慈 肅弟勇字幼慈

右朗陵令潁川荀季和弟叔之八子並有德

業時人號之八龍居西豪里渤海苑康知名

士也時為潁陰令義之曰高陽氏才子八人

遂改所居為高陽里見張璠漢紀及荀氏譜

公沙紹字子起 紹弟孚字允慈 孚弟恪字

允讓 恪弟達字義則 達弟樊字義起

右北海公沙穆之五子並有令名京師號曰

公沙五龍天下無雙穆亦名士也見魏明帝

甄表狀及後漢書

膠東令盧祀昭字興先 樂城令剛戴祈字子

陵 穎陰令剛徐晏字孟平 涇令盧真隱字

叔世 州別駕蛇丘劉彬字文曜世州

右濟北五龍少並有異才皆稱神童當靈桓

之世人號為一龍見濟北英賢傳

孝廉杜陵金敞字元休州縣上計掾長陵翁

五慈字文休 上計掾杜陵常端字肅休州縣

太

右同郡齊名時人號之京兆三休並以光

元年察舉見三輔典錄

晉宣帝河南司馬懿字仲達 魏司空懿子陳

羣字長文 中領軍懿孫錄字彥升 侍中濟

陰吳質字季重

右魏文帝四友見晉統

魏書之其後討陳留等字嗣宗中設不天誅

秘康字叔夜晉司徒河內山濤字巨源建

威參軍薛彤字伯倫始平太守陳留阮咸

字仲容字兄散騎常侍河內向秀字子期

司徒琅邪王戎字清沖

右魏嘉平中並居河內山陽共為竹林之游

世號竹林七賢見晉書魏書袁宏戴逵為傳

增竹林名孫統又為讚

吳範相風

劉惔占氣

趙達筭

皇甫書

嚴子卿碁

宋壽占夢

曹丕興畫

孫城鄭姥

相

見王粲於童賤謂仕必至師傳後為太子太傅

右吳八絕見張勃吳錄

錄載皇象等及範惔達八人皆孫妙謂

之八絕云

陳留董昶字仲道

琅邪王澄字平子

陳留

阮瞻字千里

潁川庾敳字子嵩

陳留謝鯨

字幼輿

太山胡毋輔之字彥國

沙門子法

龍樂安光逸字孟祖

右晉中朝八達近世間之故老

裴徽字文秀

魏冀州刺史

裴楷字叔則

徽房三子晉光祿大夫

裴綽字季舒

楷房長水校尉

裴瓚字國寶

楷子中書郎裴邈

字景初

楷孫欽子太傅左司馬

裴遐字叔道

瓚子太傅主簿裴康

字仲豫

徽房二子太

裴頠字逸民

楷孫李子晉尚書僕射

王祥字休徵

晉太

王戎字濬冲

瑯琊子涼州刺史

王澄字平子

衍房裴綽女

王導字茂弘

覽孫義子敦從

弟丞

王綏字萬子

戎子早正

王衍字夷甫

校北

將軍戎從

王敦字處仲

覽孫基房二

王玄字眉

子衍子陳
留內史

右河東八裴琅琊八王聞之於故老

魏司空王昶字文舒 昶子汝南太守當作湛

字處沖 湛子東海內史當作太守承字安期 承子

驃騎將軍述字懷祖述歷尚書令此驃騎將軍贈官也述子安

北將軍坦之字文度坦之官中書令此魏尚書安北將軍亦贈官

僕射杜畿字伯侯 畿子幽州史恕字務伯

恕字鎮南將軍預字元凱 預子散騎常侍錫

字世謨晉書預傳錫終尚書左丞從前未嘗官常侍錫子光祿大夫

又字弘治

右太原王京兆柱各稱五世盛德聞之於故

老

世說注中興書曰自王
澤至坦之六世盛德

夫書籍所載及故

老所傳善惡聞於世者蓋盡於此矣漢稱田
叔孟舒等十人及田橫兩客魯二儒史並失
其名夫操行之難而姓名翳然所以撫卷長
嘆不能已已者也

八儒

夫子沒後散於天下設於中國成百氏之源為

紀綱之儒居環堵之室蓬門圭窰負雍牖繩樞併
日而食以道自居者有道之儒子思氏之所行
也衣冠中動作順大讓如慢小讓如偽者子張
氏之所行也顏氏傳詩為道為諷諫之儒孟氏
傳書為道為踈通致遠之儒漆雕氏傳禮為道
為恭儉莊敬之儒仲梁氏傳樂為道以和陰陽
為移風易俗之儒樂正氏傳春秋為道為屬辭
比事之儒公孫氏傳易為道為潔淨精微之儒

三墨

不累於俗不飾於物不尊於名不忤於衆此宋
銅尹文之墨裘褐為衣跣躋為服日夜不休以
自苦為極者相里勤五侯子之墨俱稱經面背
謫不同相謂別墨以堅白此若獲以藍鄧陵子
之墨

附錄

靖節陶徵士誄

宋金紫光祿大夫贈特進顏延年撰書

顏延年
字延年

夫璿玉致美作璿不為他隍之寶挂椒信芳而

非園林之寶豈其樂深而好遠哉蓋云殊性而

已故無足而至者物之籍也籍資隨踵而立者

人之薄也薄賤也若乃巢由之抗行巢父許由

曰堯時隱人也文選夷皓之峻節伯夷故已父

老堯禹錙銖周漢而縣世寢遠光靈不屬至使

菁華隱沒芳流歇絕不亦一作其惜乎雖今之作

者人自為量而省路同塵輟塗殊軌者多矣豈

所以昭末景泛餘波乎文選無有晉徵士潯陽

陶淵明南岳之幽居者也弱不好弄長實素心

學非稱師文取指遠在衆不失其寡處言每

愈見其嘿少而貪苦一作病居無僕妾并曰弗仕

藜藿不給母老子幼就養勤匱遠惟田生致親

之議追一作近悟毛子捧檄之懷初辭州府三命

後為彭澤令道不偶物棄官從好遂乃解體世

紛結志區外定迹深捷於是乎遂一作遠灌畦弼鬲

蔬為供魚菽之祭織約劬緯蕭以充糧粒之費

心好異書性樂酒德簡棄煩促就成省曠張後先

何邪詩估曠若不殆所謂國爵屏貴家人忘貧

者與莊子至貴國爵屏焉又有詔徵著作即稱

疾不赴文選春秋六十有三秋文選作春元嘉四

年月日卒於潯陽縣之某里一作桑里近識悲悼

遠士傷情冥默福應嗚呼淑貞夫實以誅華名

由謚高苟允德義貴賤何筭焉若其寬樂令終

之義好廉克己之操有合謚典無愆前志故詢

諸友好宜謚曰靖節徵士謚法寬樂令終曰其

詞曰

物尚孤

一作特

生人固介之介特豈伊時達蜀云

世及嗟乎若士望古遙集韜此洪族茂彼名級

睦親之行至自非敦然諾之信重於布言

漢書

金百折

一不諾

廣深簡潔貞夷粹溫而能峻將

而不繁依世尚同詭時則異有一於此而兩

文選

非兩默置豈若夫子因心違事

一作連理

畏榮好古

薄身厚志世霸禮州壤推風

文選注世霸謂當世而霸者推

其風雖孝惟義養道必懷邦人之秉彜不隘不

恭爵同下士祿等上農度量難欽進退可限長

卿棄官雅賓自免子之悟之何悟之辯賦辭歸
來高蹈獨善亦既超曠無適非心汲流舊壑
宇家林晨煙暮靄春煦秋陰陳書綴卷置酒絃
琴居脩勤儉躬無食病史記原憲曰憲病也人否其
憂慙也即子然其命隱約就閒遷延辭聘非直
也明一作是惟道性淮南子性無欲糾經幹流冥漠
報施孰云與仁實親明智謂天蓋高胡德言斯義
履信曷憑思順何真年在中身疾病一作疴疾
視化一作死如歸臨幽若古樂劑弗嘗禱祠一作

僚幽告終

僚向懷和

長畢嗚呼哀哉敬述清作

靖節式遵遺占

占口占漢書此謂也存不願豐

後無求瞻省赴却賻輕哀薄歛遺壤以安旋葵

而窆嗚呼哀哉深心追往遠情逐化自爾介居

及我多暇伊好之洽接閭隣舍宵盤書悲非每

悲駕念昔晏私舉觴相誨獨正者危至方則盛

文選語人卷舒布在前載取鑑不遠吾親子佩

甫寔愀然中言而發遺一作衆速不迂風先驟

韓詩外傳草木根葉茂未必振身才非實榮聲

也飄風與暴雨墜則振必先矣

有歆微一作音求矣誰箴余闕嗚呼哀哉仁焉

而終智焉而斃歆妻既沒展禽亦逝見妻事

大夫柳其在先生同塵往世旌此靖節加彼康

惠康歆妻諡也嗚呼哀哉

陶淵明傳

梁昭明太子統撰梁書武帝子

陶淵明字元亮或云潛字淵明潯陽柴桑人也

曾祖侃晉大司馬晉書隱逸傳又有淵明少

高趣博學善屬文穎脫不羣任真自得晉書傳

為鄉鄰之嘗著五柳先生傳以自況曰先生不
所貴知何許人也亦不詳其姓字宅邊有三柳樹
無樹因以為號焉閒靜少言不慕榮利好讀書
不求甚解每有會意欣然忘食性嗜酒而家貧
不能恒得親舊知其如此或置酒招之造飲輒
盡期在必醉既醉而退曾不悵情去留環堵蕭
然不蔽風日短褐穿結簞瓢屢空晏如也嘗著
文章自娛頗示已志忘懷得失以此自終時人
謂之實錄親老家貧起為州祭酒晉穆帝年不堪

吏職少日自解歸

日桓玄州

召主簿不就躬耕

自資迹犯羸疾江州刺史檀道濟往候之偃卧

瘠餒有日矣道濟謂曰賢者處世天下無道則

隱有道則至今子生文明之世奈何自苦如此

對曰潛也何敢望賢志不及也道濟饋以梁肉

麾而去之後為鎮軍建威參軍謂親朋曰聊欲

絃歌以為三經之資可乎執事者聞之以為彭

澤令不以家累自隨送一力給其子書曰汝旦

夕之費自給為難今遣此力助汝薪水之勞此

亦人子也可善遇之公田悉令吏種秫曰吾常
得醉於酒足矣妻子固請種秔乃使二頃五十
畝種秫五十畝種粳歲終會郡遣督郵至縣吏
請曰應束帶見之淵明歎曰我豈能為五斗米
折腰向鄉里小人即日解綬去職賦歸去來徵
著作郎不就江州刺史王弘欲識之不能致也
淵明嘗往廬山弘命淵明故人龐通之齎酒具
於半道栗里之門邀之淵明有脚疾使一門生
二兒昇一作攀籃輿既至欣然便共飲酌俄頃弘

至亦無迂也先是顏延之為劉柳後軍功曹在
潯陽與淵明情款後為始安郡經過潯陽日造
淵明飲焉每往必酣飲致醉弘欲邀延之坐一作赴坐
彌日不得延之臨去留二萬錢與淵明淵明悉
遣送酒家稍就取酒嘗九月九日出宅遶菊叢
中坐久之滿手把菊忽值弘送酒至則便醉酌
醉而歸淵明不解音律而蓄無絃琴一作無絃素琴一
張每酒適輒撫弄以寄其意貴賤造之者有酒
輒設淵明若先醉便語客我醉欲眠卿可去其

真章如此郡將常候之值其釀熟取頭上葛巾
漉酒漉畢還復著之時周續之入廬山事釋惠
遠彭城劉遺民亦遁迹匡山淵明又不應徵命
謂之潯陽三隱後刺史檀韶若請續之出州與
學士祖企謝景夷三人共在城北講禮加以誥
校所住公廨近於馬隊是故淵明示其詩云周
庄述孔業祖謝響然臻馬隊非講肆校書亦已
勤其妻翟氏亦能安勤苦與其同志自以曾祖
晉世宰輔耻復屈身後代自宋高祖王業漸隆

不復肯仕元嘉四年將復徵命會卒時年六十
三世號靖節先生

雲仙散錄載淵明別傳云淵明常聞田水聲
倚仗久聽歎曰秣稻已秀翠色染人將割
襟一洗荆棘此水過吾師文人矣又云陶淵
明得太守送酒多以舂秣米雜投之曰少延
清歡又云淵明日用銅鉢煮粥為二食具遇
發火則再拜曰非有是火何以充腹

陶淵明集序

昭明太子撰

夫自銜自媒者士女之醜行不岐不求者明達
之用心是以聖人韜光賢人遁世其故何也含
德之至莫踰於道親已之切無重於身故道存
而身安道亡而身害處百齡之內居一世之中
倏忽比之石駒寄遇謂之逆旅宜乎與大塊而
盈虛隨中和而任放豈能戚戚勞於憂畏汲汲
役於人間齊謳趙女之娛八珍九鼎之食結駟
連騎之勞侈袂執圭之貴樂既樂矣憂亦隨之

何倚伏之難量

老子禍兮福所伏

亦慶弔之相及

門弔者

慶者在問

智者賢人居之甚履薄冰愚夫貪

士競之若洩尾問

莊子注洩尾問東海水洩處

王之在山以見

珍而終破蘭之生谷雖無人而自芳故莊周垂

釣於濠伯成躬耕於野或貨海東之樂草或紡

江南之落毛譬彼鴛鴦

一作鴝

雞豈競鴛鴦之肉猶

斯雜縣寧勞文仲之牲至于子常寧喜之倫蘇

秦衛鞅之匹死之而不疑甘之而不悔主父偃

言生不五鼎食死則五鼎烹卒如其言豈不痛

武漢書又楚子觀周受折於孫滿霍侯駘乘禍
起於負芒號餐餐之徒其流甚衆唐竟四海之主
而有汾陽之心子晉天下之儲而有洛濱之志
輕之若脫屣視之若鴻毛而況於他人乎是以
至人達士因以晦迹或懷釐而謁帝或被褐而
負薪鼓枻清潭乘機漢曲情不在於衆事寄衆
事以忘情者也有疑陶淵明詩篇篇有酒吾觀
其意不在酒亦寄酒為迹者也其文章不羣辭
彩精拔跌宕昭彰獨超衆類抑揚爽朗莫之與

哀橫素波而傷流千青雲而直上語時事則指
而可想論懷抱則曠而且真加以其志不休安
道苦節不以躬耕為耻不以無財為病自非大
賢篤志與道汙隆孰能如此乎余素愛其文不
能釋手尚想其德恨不同時故加搜校粗為區
日白壁微瑕惟在間情一賦揚雄所謂勸石而
諷一者卒無諷諫何足搖其筆端惜哉亡是可
也并粗點定其傳編之于錄嘗謂有能觀淵明
之文者馳競之情遣鄙吝之意祛貪夫可以庶

懦夫可以立豈止仁義可蹈抑乃爵祿可辭不
必傍游泰華遠求柱史老子嘗為周柱史此亦有助於
風教也

北齊陽休之序錄

余覽陶潛之文辭采雖未優而往往有奇絕異
端當作語放逸之致捷托仍高其集先有兩本行
於世一本八卷無序一本六卷并序目編比顛
亂無復闕少蕭統所撰八卷合序自誄傳而少
五孝傳及四八目然編錄有體次第可尋余頗

嘗潛文以為三本不同恐終致忘失今錄統所
闕并序目等合為一帙十卷以遺好事君子

宋朝宋丞相私記

右集按隋經籍志宋徵士陶潛集九卷又云梁
有五卷錄一卷唐志陶泉明集五卷今官私所
行本凡數種與二志不同有八卷者即梁昭明
太子所撰台序傳誄等在集前為一卷正集次
之亡其錄有十卷者即陽僕射所撰按吳氏西
齋錄有宋彭澤令陶潛集十卷疑即此也其序

并昭明舊序誅傳等合為一卷或題曰第一或
題曰第十或不署於集端別分四八目自甄表
狀杜喬以下為第十卷然亦無錄余前後所得
本僅數十家卒不知何者為是晚獲此本云出
於江左舊書其次第最若倫實又五孝傳已下
至四八目子注詳密廣於他集惟篇後八儒三
墨二條此似後人妄加非陶公本意且四八目
之末陶自為說曰書籍所載及故老所傳善惡
聞於世者蓋盡於此即知其後無餘事矣今不

著輒別存之以俟博聞者廣平宋庠私記

書靖節先生集後

梁鍾記室嶸評先生之詩為古今隱逸詩人之
宗今觀其風致孤邁蹈厲淳源又非晉宋間作
者所能造也昭明太子舊所纂錄且傳寫寔訛
復多脫落後人雖加綜緝曾未見其完正愚嘗
採拾梁本以事讎校詩賦傳記贊述雜文凡一
百五十有一首泊四八目上下二篇補重條理編
次為一十卷近永嘉周仲章太守枉駕東嶺示

以宋朝宋丞相判定之本於疑闕處甚有所補
其陽僕射序錄宋丞相私記存于正集外以見
前後記錄之不同也時皇宋治平三年五月望
日思悅書

集總論

蘇東坡曰吾於詩人無所好獨好開明詩開明
作詩不多然質而實綺靡而實肥自曹劉鮑
謝李杜諸人皆莫及也又曰詩所貴於枯淡
者謂外枯而中膏似淡而實美淵明子厚之

流是也若中邊皆枯亦何足道佛言譬如食
密中邊皆甜人食五味知其甘苦皆是能分
別其中邊者石無一也

黃山谷曰血氣方剛時讀淵明詩如嚼爵枯木及
綿歷世事知決定無所用智又云謝康樂度
義城之詩鑪鑪之功不遺餘力然未能窺彭
澤數仞之墻者二子有意於俗人贊毀其工
拙淵明直寄焉耳持是以論淵明亦可以知
其關鍵也又曰寧律不諧不使句弱用字不

二不使語俗此便開府之所長也然有意於
為詩也至於淵明則所謂不煩繩削而自合
者雖然巧於斧斤者多疑其拙害於檢括者
輒病其放孔子曰甞武子其智可及也其愚
不可及也淵明之拙與放豈可為不知者道
哉道人曰如我按指海印發光汝暫舉心塵
勞先起說者曰若以法眼觀無俗不真若以
世眼觀無真不俗淵明之詩要當與一丘一
壑者共之耳又曰退之於詩本無解處以才

高而好耳淵明不為詩寫其胸中之妙耳無
韓之才與陶之妙而學其詩終樂天耳

陳后山曰鮑昭之詩華而不弱陶淵明之詩切
於事情但不文耳又曰右丞蘇州皆學陶正
得其自在謂王維常
應物也

楊龜山曰淵明詩所不可及者冲澹深粹出於

自然若曾用力學然後知淵明詩非著力所

能成也

葉西問曰古今詩學冲澹間遠惟陶淵明為難到

朱晦菴曰陶淵明詩平淡出於自然後人學他

平淡便相去遠矣其後生見人做得詩好銳
意要學遂將淵明詩平反用字一一依他做
到一月後便解自做不要他本子方得作詩
之法又曰作詩復從陶柳門中來乃佳不如
是無以發蕭散冲澹之趣不免局促塵埃無
由到古人佳處又曰韋蘇州詩直是自在其
氣象近道陶却是有力但詩健而意間隱者
多是帶性負氣之人為之陶欲有為而不能
者也又好名韋則自在

陳后山謂韋蘇州
皆學陶正得其自在

而臨卷之
言又如此

陸象山曰詩自黃初而降日以漸薄惟彭澤一

源來自天稷與衆殊趣而淡薄平夷玩嗜者

少又曰李白杜甫陶淵明皆有志於吾道嫁

以陶與李杜一言之少陵
不能無愧而况傲骨仙乎

真西山曰淵明之作宜自為一編以附于三百

篇楚辭之後為詩之根本準則西山此論等

明實不
愧此

魏鶴山曰世之辯證陶氏者曰前後名字之互

變也死生歲月之不同也彭澤退休之年史
與集所載之名異也然是所當考而非其要
也其稱美陶公者曰榮利不足以易其守也
聲味不足以累其真也文辭不足以溺其志
也然是亦近之而其所以悠然自得之趣則
未之深識也風雅以降詩人之辭樂而不淫
哀而不傷以物觀物不牽於物吟咏性情而
不累於情孰有能如公者乎有謝康樂之志
而勇退過之有阮嗣宗之達而不至於放有

元次山之漫而不著其迹此豈小小進退所能窺其際耶先儒所謂經道之餘曰閒觀時因靜照物因時起志因物寓言因志發詠因言成詩因詠成聲因詩成音者陶公有焉

陶公自三代而下為第一流人物其詩文自兩漢以還為第一等作家惟其胸次高故其言語妙而後世慕彼風流未嘗不欽厥制作欽厥制作未嘗不尚論其人之為伯夷為黔婁為靈均子房孔

明也其詩舊有注者宋則湯伯紀元則
詹若麟輩而今不見其有傳者傳而刻
者則元李公煥本而不見其能為述作
家也是故余重為整比之冊中無事記
憶凡間於先輩者以附益之所謂欽厥
制作而論其人之語班班乎蓋畧備矣
無竢余序為也是故識之止此正德戊寅良
月望日都察院右副都御史燕泉何孟春謹識

陶靖節集卷之二終





